

Nermina Zaimović-Uzunović

Inicijativa upućena Vijeću ministara BiH – “Pokrećem inicijativu i zahtijevam od Vijeća ministara BiH da razriješi članove Savjeta za mjeriteljstvo BiH čija sam i sama članica. Zahtijevam da razriješi članove zato što nisu usvojili, nisu radili ništa od kada su formirani i nisu usvojili *Strategiju razvoja mjeriteljstva BiH*, zbog čega BiH dovodi u pitanje realizaciju 4,7 miliona eura projekata iz IPA fondova.”

Pitanja postavljena Ministarstvu vanjske trgovine i ekonomskih odnosa BiH:

1. “Koliko puta se Komitet za tehničke propise sastao?”
2. Kada je organizirana posljednja sjednica Komiteta?”
3. Šta je Komitet uopće uradio od 2004. godine, kada je trebalo da bude formiran, do danas?”

Pitanja postavljena Vladi Brčko Distrikta

1. “Zašto je Vlada Brčko Distrikta donijela pozitivnu odluku o osnivanju nekoliko novih univerziteta, kada je na njihovo formiranje od sedam članova imenovanih da daju mišljenje, njih pet pismeno dalo negativno mišljenje?”
2. Koji su to članovi ekspertne grupe koji su dali pozitivno mišljenje za osnivanje univerziteta i na osnovu čijeg mišljenja su dodijeljene licence za početak rada univerziteta?”
3. Koji su razlozi rukovodili Vladu Distrikta i resornu službu da i mimo mišljenja imenovanih eksperata osnuje dva privatna univerziteta i dvije visoke škole u Brčko Distriktu?”
4. Šta su bili kriteriji kojima se rukovodila Vlada BD i resorna služba da dodijele licence za rad sva tri ciklusa novoosnovanih univerziteta?”

Pitanja postavljena Vijeću ministara BiH -

1. „Koliko je u 2011. godini zaposleno novih državnih službenika i namještenika sa diplomama:
 - a) izdatim od javnih univerziteta – fakulteta u BiH,
 - b) izdatim od privatnih univerziteta – fakulteta u BiH,
2. Na kojim lokacijama su zaposleni pomenuti državni službenici u nekim institucijama, npr:
 - a) Upravi za indirektno oporezivanje BiH,
 - b) Graničnoj policiji BiH?“